


REGI

OB DELECTUM
REGIÆ URBIS
NOVUM PRÆSULEM
SOLENNIS
GRATIARUM ACTIO.



HABITA

In Collegio LUDOVICI MAGNI
A GABRIELE FRANCISCO LE JAY,
Societatis JESU Sacerdote.



PARISIIS,

Apud Viduam SIMONIS BENARD, viâ
Jacobæâ, è regione Collegii Soc. JESU.

M. DC. XCVI. +

REGI

MAJESTATI

IMPERIALI

MAJESTATI

CAESARI

OTTONI



LIBRARI

IN

(THE

LIBRARY

OF

THE

LIBRARY

OF

THE





N. Pissau Sculp.

*Spirat in hoc vultu pietas, candorque fidesque ;
Spirat et ingenuus Relligionis amor.
Plura latent: etenim magnæ coelestia mentis
Quis satis ad vivum pingere dona queat*

à Paris, chez Marieke rue de Jacques aux colonnes d'Hercule



ILLUSTRISSIMO
ECCLESIAE PRINCIPI
LUDOVICO ANTONIO
NOALLIO

ARCHIEPISCOPO PARISIENSI
DUCI AC PARI FRANCIAE.



*Q*UOD agentibus no-
bis solennes Regi Chri-
stianissimo gratias, ob
delectum Te Regiae Urbis Anti-
stitem, tua Confessum amplissi-

A ij

num præsentia ornaveris ; id
honori , ut par est , summo duxi-
mus , ECCLESIAE PRINCEPS
ILLUSTRISIME. Quod stu-
dium & alacritatem Academiæ
nostræ , quæ Te festo plausu pri-
mum subeuntem excipiebat , tam
prolixè amanterque probave-
ris ; gratiæ cumulum adjecisti.
Quod in Oratorem ipsum par-
tem laudis aliquam derivaris ;
hoc mihi præter expectationem
ac meritum tua singularis huma-
nitas indulgit.

Tamen in tam justa gratu-
landi causa, unum liceat expo-
stulare tecum, PRÆSUL IL-
LUSTRISSIME, quod
me in pingendo parum fidelem
esse prædicaveris: quasi minus
veram imaginem Tui expressis-
sem.

Nihil ego jam vereor vel a
tuo ipsius judicio ad publicum
provocare: cum intelligam fustu-
rum neminem, qui tibi ita sen-
tienti de te ipso assentiatur.

Equidem hoc mihi non ausim

arrogare, ut Orator bonus, quod
amicè gratulatus es, videri pos-
sim: at hoc profectò gloriari non
dubitem; bonum me, quod mo-
destè negasti, Pictorem omnium
suffragiis extitisse.

Amplitudini Tux,

Addictissimus

GABRIEL FRANCISCUS LE JAY
S. J.



R E G I
OB DELECTUM
R E G I Æ U R B I
NOVUM PRÆSULEM
S O L E N N I S
G R A T I A R U M A C T I O .



UOD usurpavit aliquando sapientissimus ætatis suæ Casiodorus, *Magni Principis ad summam dignitatem Electio magna commendatio est*, id hodie ad singularem Novi Præfulis laudem sufficere unum vide.

A iiij

retur, ILLUSTRISSIMI EC-
 CLESIAE PRINCIPES, VIRI
 omnium Ordinum ORNA-
 TISSIMI.

Verum etsi plerumque non
 verè minus quàm magnificè
 pronuntiatum illud fuerit ;
 tamen non desunt severioris
 cujusdam censuræ viri ; qui
 magis ad Aulicæ adulationis
 leges, quàm ad veritatis nor-
 mam id exactum putent. Si
 qua enim ejusmodi censori-
 bus fides, e tanto Principum
 numero , quàm paucos ante-
 actis retro sæculis reperi-
 as, vel quorum in conferendis
 honoribus judicium cunctis
 probaretur omnino, vel quos

fui iudicii & Electionis aliquando non poenituerit.

Nam quantumvis oculi Principum perspicaces dicantur esse ac lyncei; multos nihilominus videre est, qui, aut eментitæ virtutis larvâ imponant perspicaciæ Principum, aut pristinæ virtutis obliti, excitatam primò de se opinionem fallant.

Grates enim verò Tibi, Deus immortalis, cuius beneficio factum est, ut in hodierno Præfulis nostri delectu, nihil ejusmodi quisquam vereri possit: quidquid ad Electionis commendationem potest accedere, in hac certè, si un-

quam aliàs , totum occurrit:
 sic enim Principum sagacissi-
 mus in deligendo Nobis An-
 tistite Sapientiæ comitem ad-
 junxit Felicitatem ; talem ut
 Virum nobis elegerit , qui
 placeret omnibus , & qui pla-
 citurus in omne tempus me-
 ritò speraretur.

Quantumvis autem ma-
 gna promittat ejusmodi Ora-
 tio ; non alios velim , quàm
 vos ipsos , aut judices , aut ar-
 bitros , Auditores æquissimi.
 Quis enim ex hoc cœtu ce-
 leberrimo , ex hac amplissi-
 ma Civitate , totoque adeo
 Regno , cui communis veluti
 patria Lutetia est , dignissi-

num sapientissimi Regis Electione NOALLIUM non dixit? Quis in tanta tam unanimiter plaudentium multitudine, fortunatissimam Pastore NOALLIO Urbem hanc fore, communi quodam afflatus spiritu non prædicavit?

Erumpat igitur digna sinceris Populorum gaudiis, digna Principis providentia, digna Præfulis virtute Gratiarum Actio. Gratulemur inventum a nobis dicendi argumentum, in quo remoto assentationis metu, liceat Eloquentiæ magna prædicare.

At quanquam populorum

opinionem respondere fortasse
possem; vereor, ut Societatis
præsertim Nostræ votis res-
pondeam: possimque fidelis
interpres satis exprimere,
quam imis defixa sensibus
hæreat beneficiorum a Te,
PRÆSUL ILLUSTRIS-
SIME, jam pridem acceptorum me-
moriam.

Me certè felicem unum
inter cæteros; cui profiteri
liceat ex hoc loco singula-
rem observantiam illam,
quam spectata propius virtu-
tum tuarum vestigia animo
impressere: quam & altissimo
pectori insevit Ille, quem tu
olim, non tam successorem,

quàm sincerum tui admirato-
rem & æmulatorem studio-
sum habuisti.

Tamen tot inter incita-
menta dicendi, si parem ar-
gumento, si parem expecta-
tioni vestræ Orationem non
afferam; supplebit, quæ de-
fuerint, vestra de tanto Præ-
sule opinio, & quod Elo-
quentia non potest, Audito-
rum animus assequetur.

In una NOALLII Antisti-
tis Electione, geminum a
Rege Christianissimo benefi-
cium accepimus, AUDITO-
RES.

Post ereptum nobis im-
maturo & acerbo funere

FRANCISCUM HARLÆUM,
 quem tota tam diu mirata est
 Gallia : quem Clerus Gallica-
 nus toties suspexit : cujus Sa-
 pientiam, Eruditionem, Maje-
 statem summa Lenitate tem-
 peratam amavit semper hæc
 Civitas & coluit. Pastorem
 expectamus qui resarciret
 quam feceramus jacturam, &
 nostra omnium vota cumula-
 ret. Eum delegit nobis Rex
 Christianissimus, quo nec op-
 tati, nec eligi a nobis gratior
 aut acceptior potuisset : hoc
 primum. Pastorem desidera-
 bamus, cujus felicibus initiis
 totus integerrimæ vitæ cursus
 deinceps responderet. Eum

delegit nobis qui talis meritò
 speraretur futurus in perpe-
 tuum, qualem esse jam gra-
 tulamur; hoc alterum. Quæ
 duo capita, dum præsentis
 temporis lætitiæ, ac futuri
 spem complectuntur; amplif-
 simam, & gratias agendi Re-
 gi Christianissimo, & nobis
 gratulandi materiem suffi-
 ciunt.

Ac primò quidem; quis ^{I.}
 Præsul acceptior populo, ^{PARS.}
 quis hoc gradu dignior videri
 poterat, quàm ille; qui ma-
 gno Nomini parem Virtutis
 Famam afferebat? Quod u-
 trumque apud gentem Galli-
 cam, æquissimam, si qua est

alia , virtutis judicem atque
 æstimatricem , indubitatam
 sibi approbationem aut vin-
 dicat ; aut extorquet.

Nomen magnum cum di-
 co, Nomen illud , credo, in-
 telligitis, AUDITORES, quod
 non sola tantùm generis cla-
 ritas , honorum amplitudo &
 rerum domi forisque gesta-
 rum gloria ; sed longè magis
 sincerum Religionis studium,
 devota rei patriæ caritas, &
 perpetua quædam atque in-
 corrupta fides in Principem
 nobilitant. Neque enim Urbs
 illa , quæ singularis in Reli-
 gionem animi , pietatis in rem
 Gallicam & illustrioris in Re-
 gem

gem observantiæ toti Regno
præluceat, aliud in electo Præ-
sule nomen ambire poterat;
nisi quod dotes illas in se om-
nes, nativo quasi in speculo,
ad vivum repræsentaret.

Hanc porro laudem sic
ab omni memoria veluti man-
cipatam habet. NO ALLII
nomen, ut qui NO ALLIOS
appellarit, eosdem, & aviti
cultûs amantes, & studiosos
rei Gallicæ, & personæ Re-
giæ ab omni ævo constanter
addictos prærogativa quadam
singulari nuncupavit.

Nolite hîc expectare, Au-
TORES, ut inclytæ Gentis pri-
mordia ex illa repetam cali-

gine temporum ; in quibus
quàm facile est , & sine rivali
sibi majores fingere ad arbi-
trium , tam rarò e mentitæ ad
factum prosapiæ suspicionem
licet declinare. Non eget fig-
mentis ejusmodi nobilitata
tam fidelibus sex omnino sæ-
culorum monumentis Noal-
lici nominis dignitas ; quam
nec ullà erroris umbra obscu-
ravit unquam ; nec mala de-
ficientis obsequii contagia in-
fecere.

Atque utinam illorum tem-
porum obliterare memoriam
liceret ; cum fatali quadam re-
rum necessitate , Nobilitatis
totius pars major & melior ,

alii Novitatis capti illecebris
 ab avita Religione desciscerent;
 alii Religionis ipsius &
 falsis communis boni nominibus
 illusi etiam in pretio
 ponerent Rebellionis partes
 amplecti! Tot inter Religionis
 & rei Gallicæ naufragia,
 stetitis inconcussi Noalidæ;
 ingens non ætati modo vestræ,
 sed futuris etiam temporibus
 documentum; tam altis
 subditorum animis insitum
 Religionis, Patriæ, Principis
 amorem esse oportere;
 ut nulla conversione temporum,
 nulla bellorum tempestate,
 nulla pactione fœderum
 debeat unquam violari!

Quin hîc mihi licet per
 angustias temporis præclaros
 illos Heroas, tot gentis Noal-
 licæ lumina, coram sistere!
 Vel hoc unum satis superque
 foret, ad demonstrandam
 Regis prudentissimi in deli-
 gendo nobis Antistite sapien-
 tiam; qui Avorum testatam
 fidem, ac summa in Reges
 nostros ac Regnum merita
 pergit in Nepote, dignissimo
 munerari!

Dicerem HUGONEM Noal-
 lium; qui Christianam maluit
 cum sanctissimo & fortissimo
 Rege Ludovico profiteri mi-
 litiam, quàm nefariis vicino-
 rum in Marchia Lemovicensi

Comitum factionibus præesse.
 Memorarem JOANNEM
 Noallium , qui difficillimo
 in bello Ludovicum Undeci-
 mum secutus , ipso in conf-
 pectu Principis , capitis , ac
 sanguinis dispendio victoriam
 redemit. Adjungerem AN-
 TONIUM Noallium, quem
 Franciscus Primus spectatæ
 jam diu probitatis & consum-
 matæ sapientiæ Virum exper-
 tus , gravissimis de rebus Ora-
 orem misit : rei Maritimæ
 præfecit Ducem : Henricus
 Secundus Liberis suis mode-
 ratorem delegit.

Non omitterem FRANCIS-
 CUM Noallium Episcopum

Aquensem; quem in Veneta,
 Anglicana, ac Byzantina de-
 mum legatione, tam gloriosè
 versatum esse Annales nostri
 meminerunt: cujus Ingenio;
 Dexteritati, Constantiæ, Fi-
 dei suam debuit apud Otto-
 manos amplificationem Re-
 ligio, Res Gallica Authorita-
 tem, Henricus ipse Tertius
 Gallorum & Polonorum Rex,
 Polonicam Coronam. Felix
 hac sorte FRANCISCUS, qui
 ÆGIDIUM Præsulem tanto in
 opere consiliorum adiutorem
 habuit, & in Legatione tam
 Christiana fraternæ virtutis
 successorem!

Atenim cur se mihi rur-

sum obijciunt funesta tempora , fœcunda errorum turbarumque tempora ; in quibus Errori Ambitio , Ambitioni Impietas , Impietati scelera omnia suffragabantur? Tunc cum vix reperire esset , qui debitam Deo , debitam Regi fidem præstare aut posset , aut vellet ; Te , FRANCISCE Noalli , intueor perduellium furores fidei tuæ ; & corporis etiam oppositu intercludentem. Hîc conflatum ex desertoribus impiis numerosissimum exercitum viriliter reprimis , fugas ac frangis : illîc aditu Montis Albani prohibes : alibi tristes fugientium

reliquias Miliardum usque ,
ac Divi Antonini oppidum
persecutus , spes impias ex
longo conceptas intercidis !

Laudastis Galli & stupuistis
paternam in tribus liberis ,
HENRICO , ANTONIO , CA-
ROLO fortitudinem ; qui ju-
bente Ludovico Justo cum
iisdem congressi Rebellibus ,
suo ipsorum sanguine Reli-
gionem , Pictatem , Fidem
consignarunt.

At quo me properantem
rapit ac suaviter detinet AN-
NAS Noallius , quartus ex
eiusdem FRANCISCI liberis ,
& de tot fratribus superstes
unus : cui ancipites armorum
casus

casus visi sunt pepercisse , ut
ad difficiliora reservatus tem-
pora , suis Annam Austria-
cam , quæ tunc Imperii ha-
benas moderabatur , consiliis
adjuvaret ; & LUDOVICO
adhuc juniori illustre sine-
ri obsequii specimen exhibe-
ret ?

In his porro difficillimis re-
rum adjunctis ; cum lucidissi-
ma hujus Imperii sydera pœ-
ne deficerent : cum firmissi-
ma rei Gallicæ columnina nu-
tarent partim , partim luctuo-
so emota fato collaberentur :
quàm egregius , AUDITORES ,
at quàm lubricus extitit bo-
nis omnibus locus præstandi

intemeratam Regi fidem !
 Præstitit ANNA S Noallius :
 & ita præstitit ; ut perenne
 constantis obsequii monimen-
 tum posteritati relinqueret.

Neque vero impensi tam
 sedulò laboris fructum levem
 consecutus est : cum ad reli-
 quos , quibus jam præfulge-
 bat , honores accesserit dela-
 ta Regiæ Custodiæ præfectu-
 ra , Ducis ac Paris Galliarum
 amplitudo , Torquatæ utrius-
 que Militiæ dignitas , & pri-
 mum , quod pari cum laude
 gessit , in re militari impe-
 rium.

Quid demum ad plenam
 tanti Viri commendationem

pertinebat; nisi ut, quod ait
 Velleius, visum olim in Me- Lib. 2:
Hist.
 tello, tanquam felicitatis sum-
 mæ cumulum, qui *post hono-
 res amplissimos & principale in
 Republica fastigium, extentum-
 que vitæ spatium, quatuor filios
 sustulit, omnes adultæ ætatis
 vidit, omnes reliquit supersti-
 tes & honoratissimos*; id quo-
 que multo etiam felicius AN-
 NÆ Noallio contingeret?

Testes mihi sunt, AUDITO-
 RES, Fratres illi quinque Illus-
 trissimi, quos tota suspicit Gal-
 lia; omnes amplissimis fulgen-
 tes honoribus, omnes paternis
 avitisque virtutibus simillimi;
 & quod Noallicæ gentis est

quasi proprium, omnes devotissimæ in Regem charitatis æmulatores.

Testis MARESCHALLUS Dux Noallius: quem, tametsi navata feliciter rei Gallicæ diligens opera, summa munerum amplitudo, relatæ multiplices Laureæ, & domita repetitis cladibus Catalaunia immortalis posteritatis memoriæ consecrant; hoc tamen præ cæteris videtur commendare: quod apud sagacissimum, sapientissimum, æquissimumque Principem, gratiosus inter multos, inter paucos carus, pœne dixerim, si sic loqui fas est, amicus habeatur. ○

Testis NOALLIUS, Melitenses inter Equites nobilissimi animi specimen: qui Legati Generalis apud Triremes munere, multos jam annos ita fungitur; ut militiæ genus odiosum naturâ atque asperum, lenitate sua afflictis tolerabile efficiat.

Testis MARCHIO Noallius, suis etiam in re militari muneribus clarissimus; quem a fraterna virtute non degenerem, Catalaunia nuper satis experta est.

Testis Noallius ABBAS dignissimus Alti Fontis; qui in pietatis quasi castris, eandem, atque fratres in re bellica

laudem est consecutus.

Testis denique ILLUSTRIS-
SIMUS PRÆSUL Ludovicus An-
tonius Noallius; quem, si con-
cessum sibi Antistitem gratu-
latur universus populus, quia
magnum præ se fert nomen,
eundem multo lubentius a-
mat; quia Nomini magno
hæreditaria Fama Virtusque
respondet.

Dicamus enim verò quod
res est; in hoc apice dignita-
tis, parum juvaret ad com-
mendationem magnum no-
men attulisse, nisi illud pari
virtutis Fama illustraretur.

At qualis illa Fama est, Au-
DITORES, qua veluti circum-

septus Illustrissimus Præsul ad
 nos accessit? Cogitate peren-
 nem & constantem Famam;
 non variam, non mutabilem,
 non interruptam ulla vicissi-
 tudine aut temporum, aut lo-
 corum, aut officiorum; quæ
 tam sana atque integra fue-
 rit in ipso flore juventutis,
 quam in matura jam ætate
 conspicitur; tam bene com-
 parata censorios contra Aulæ
 sagacioris oculos, quàm dis-
 fitis postmodum in regioni-
 bus intacta; tam mirabilis o-
 lim in quotidianis vitæ com-
 munis exercitationibus, quàm
 inter ipsos Apostolici mune-
 ris labores prædicanda. Fa-

famam intelligite non dubiam; sed probatam; non ambiguum, sed confessam; quam neque pia ac benigna populorum excuset ac fulciat interpretatio; neque vis auctoritatis ac reverentiæ dissimulet ac tutetur: Famam denique, ut uno verbo complectar omnia, existimate; quam ipsa Veritatis Æquitatisque regula Summus Pontifex Christianique Vicarius, tam singulari nuper Elogio prædicandam judicavit.

Sed quid ego vos moror, AUDITORES? Jam mentem meam præsensistis, jam prævidistis quid velim, jam di-

centem occupastis. Neque Tu
 verò, Regum sapientissime,
 cum Pastorem nobis Noal-
 lium eligebas, quia visus ille
 tibi omnium optimus quem
 eligeres, populi consensum
 prævenisti. Non tuum unius
 iudicium illud fuit, sed om-
 nium: jam erat ille nobis in
 votis, cum tu illum Nobis
 destinabas: tu tantum jure
 Principis antevertisti, primus-
 que fecisti, quod omnes fa-
 cturi erant, si liberam popu-
 lis tuis eligendi moram per-
 misisses.

Nam quem e nobis non
 perculerat Virtutum illarum
 fama, quæ hodie tantum in

electo Præsule non placerent, nisi jam placuissent, antequam eligeretur. Jam erat pervulgata opinio illius probitatis, quam felix inchoavit indoles, felicior educatio perfecit: promovente sedulâ piæ Parentis sollicitudine: quæ nunc laboris sui fructum hunc habet; ut in filio virtutes partim æmuletur, partim ad publicam utilitatem succrevisse gaudeat, quas olim in sevit ipsa & excoluit.

Jam pervaserat animos omnium spectatæ toties prudentiæ laus; quæ non tam annorum accessione parta est; quàm admirabili quodam ro-

bore ingenii, & in regendis componendisque motibus animi accurata sedulitate.

Quàm multis porro, quàm illustribus spectatum monumentis novimus studium tuendæ, promovendæ, amplificandæ Religionis? Utinam hîc adessent Orationi meæ suffragatores; quotquot tam e Cadurcis quàm e Catalaunis, partim rationum momentis convictos, partim permotos exemplo vitæ sanctioris, partim lenitate ac munificentia mitigatos, ab errorum caligine, ad avitæ sinceræque fidei lumen traduxit! Atque ut absint illi ac fileant: clamant

fatis ac loquuntur, tot exhan-
lati pro pietatis incremento
labores, tot sollicitudines Pa-
storalis curæ, tot institutæ
prudenter pro asserenda san-
ctiore disciplina leges.

Vigebit ad perpetuam rei
memoriam; & in tuis, Cata-
launum, fastis æternùm lege-
tur editum nuper ab eo De-
cretum illud sapientissimum;
quo nascentem, aut potius
interpolatam ex Beguardo-
rum erroribus & Fanatico-
rum somniis vesaniam, tam
scienter quàm tempestivè
profligavit.

Ecquis est, qui nesciat, ut
liberalis, ut magnificus, ut

profusus in Egenos; quorum inopiæ sic in toto Catalaunensi tractu providit; ut annonæ caritatem & difficultatem temporum, nisi ex largiori munificentia sui Præsulis non sentirent?

Sed esto sane: reperiantur per me licet, qui liberalitatem & munificentiam in ærumnosos tandiu præ se ferant; quandiu id solo nummorum dispendio præstabitur. At quotusquisque tandem est, qui vel sui capitis, valetudinis, vitæ periculo, alienam sublevare inopiam & calamitatem non dubitet? Hoc enim in te mirati paucos ante annos sumus,

PRÆSUL ILLUSTRISIME.

Patere quæso, ut vim hodie modestiæ tuæ paulisper adhibeam: da mihi hanc veniam, ut percuncter & exquiram a te, quis animi tui sensus foret; cum in tenebri-
cosum non semel carcerem, in Nosocomia tetræ infestis morbis ingressus, sacrum caput præsentis periculo tam constanter objiceres? Nihil ne te amicorum preces, nihil obtestatio familiarium, nihil exempla tot hominum, quos importuna vis mali quotidie de medio tollebat: nihil ille, qui lateri tuo hærebat, Sacerdos, & quem lethi-

fera loci pestilentis aura af-
 flatum in oculis pœne tuis
 oppresserat: nihil tua ipsius
 valetudo graviter tentata, &
 in summum magno bonorum
 omnium mœrore adducta dis-
 crimen; nihil te, inquam,
 istæc omnia deterrebant? Ni-
 hil ut modum tam inusitatæ
 pietati poneret: ut vicariam
 aliorum operam substitueret;
 ut vitam Religioni, ac tuo-
 rum saluti reservares, admo-
 nebant? Videbas hæc omnia
 profectò & sentiebas: vicit ar-
 dor inauditæ pietatis; &, ut
 alienæ incolumitatis curam
 tuæ ipsius vitæ anteferres,
 persuasit.

Quid aliud, AUDITORES,
 Borromæos, Augustinos, Am-
 brosius olim apud populos
 tantopere commendavit ?
 Quid eorum hodieque me-
 moriam nobis tam verendam
 exhibet ?

Nos verò Superis immor-
 talem gratiam habeamus; qui
 melius Illustrissimo Præsuli
 nostrâ causâ consuluerunt,
 quàm ipse sibi: qui nobis il-
 lum, cum sui videretur obli-
 tus, servare voluerunt.

Testes vos appello, Cata-
 launenses, quibus tantam in-
 perata salus lætitiâ attulit;
 quantum vulgatus falsò de il-
 lius

lius immatura morte rumor
dolorem attulerat. Quis tunc
vos non putavit ex aliqua vel-
uti calamitate communi re-
creatos? Fervebant Tempora
vocibus gratulantium: onera-
bantur Aræ precantium votis.
Videres alios caput suum pro
capite ac vita Præfulis aman-
tissimi devovere: alios obfi-
dere fores palatii; ut vivum
intuerentur, quem exanimum
deflexerant: omnes sibi plau-
dere: gratulari omnes: &
quasi publica salus diu mul-
tumque periclitata jam de-
num in tuto esset, incredi-
bili animorum sensu exul-
tare!

D

Pervafit iſta Galliam omnem lætitia: Aulam ipſam, ac religioſi Principis aures implevit: qui, quaſi jam futuri conſcius, ſervatum, quem olim eligeret Urbi cariffimæ Præſulem lætabatur.

Sentio; AUDITORES, quàm multa prætermittam; partim quia ſermonibus jam omnibus celebrata; partim quia ipſius pudor fines mihi anguſtiſſimos dicendi præſcripſit. Quæ tamen quàm prædicare mihi pulchrum, quàm audire vobis gratum foret! Hoc laborarem unum; ut modum atque exitum orationi invenirem: quas virtutes ac dotes

egregias quibus præferrem.

An vigilantiam, qua omnes impositi muneris vices ita diligenter obit; nihil ut ejus sagacitatem, & intentam in omnes partem aciem fugiat? An disciplinæ atque ordinis retinendi incredibile studium; quo priscarum legum severitatem suavissimè temperatam moribus accommodat? An doctrinæ copiam & ubertatem, sinceritatem ac nitorem, sublimitatem & amplitudinem; quam ingenio comparavit, labore multo auxit, exercitatione perpolivit.

Multum tibi debemus, fateor, PRÆSUL ILLUSTRISSIME,

D ij

quod hunc locum ornare præs-
 sentia tua non gravatus fue-
 ris: sed ignosce, quæso, si
 dicam: pœne me præsentiæ
 tuæ piget: pœne, quod ad sis
 doleo. Quàm multa, si abesses
 procul, proferrem liberius,
 quæ, ne dicam, auribus tuis ac
 modestiæ tuæ dabo.

Subirem interiora domus tuæ
 penetralia; ibi reducerem ea
 vela, quibus tua se pietas invol-
 vit; dum probus esse, quàm
 videri mavis. Transferrem eo-
 rum, qui me dicentem de te
 tanta suavitate audiunt, oculos
 & animos in eam templi par-
 tem: ubi te sacris altaribus di-
 vina quotidie litantem hostia

ſpectator admiratur populus;
 Illic verba facientem pro ſug-
 geſtu oftenderem, nec inani
 verborum ſono vacuas mul-
 centem aures, ſed ſolida verita-
 te animos percellentem. Non
 præterirem illam familiaris rei
 parſimoniam; quæ domeſtico
 ſumptui, menſæ, ſupellectili
 non aliam ob cauſam imponit
 modum, quàm ut beneficen-
 tiæ plus & liberalitati ſuppetat.

Et erit poſtea cuiſpiam du-
 bitandi locus; quin, cum Rex
 eum nobis deligeret, hoc dig-
 niſſimus apice videretur;
 quem tot ac tantæ dotes po-
 pulo gratiſſimum acceptiſſi-
 mumque facerent.

Sed placuisse satis non est, neque illam cumulatam virtutem dixero; cuius eadem in posterum tempus retinendæ spes non sit. Parum esset talem hæcenus fuisse Noalium ut vidistis; nisi talem quoque futurum certa expectatione præcipere liceret.

II.
PARS.

Fortunatos enim verò Principes: si, quos elegere ad magnam aliquam dignitatem, ii se deinceps præstarent tales, ut sustinerent habitam de se opinionem, & cohonestare gradum amplitudinis, ad quem eVecti sunt, laborarent. Sed quantamcumque

in deligendo prudentiam adhibeant Viri Principes, facere tamen non possunt; quin ipsorum iudicium multi postea refellant; dum pares animos ad tuendam Electionem suam non afferunt.

Atque hinc nova surgit & amplior materies referendi gratias Optimo Principi; quod eum nobis Pastorem delegerit; quo jam frui, tanquam recenti beneficio gaudemus; & quem perpetui instar beneficii nos deinceps habituros esse meritò confidimus.

Faceffant, Oratores dicam; an splendidi præstigiatores;

qui ex horâ natali & arcano
 syderum concursu, fatalibus-
 que numeris ac momentis
 Principum vitam, & res ab ip-
 sis olim, cum adoleverint, ge-
 rendas prædicere gestiunt:
 vel qui ex Avorum gloriâ vir-
 tutem Nepotum augurantur.
 Alia se nobis offert ratio fe-
 licioris ac certioris augurii;
 unde verissimis indiciis, quid
 in posterum sperare debea-
 mus, præsumere liceat. Quid
 istuc tandem augurii est,
 AUDITORES? Vita NOALLII:
 hîc inspiciamus fiduciæ no-
 stræ veluti omina: & quem in
 varia conditione rerum, loco-
 rum ac temporum talem no-
 vimus

vimus extitisse, qualis ac
quantus deinceps futurus sit,
cognoscamus.

Equidem fateor, AUDITO-
RES, ipissimum esse arduumque
negotium tenere scienter, ac
sapienter moderari sacrum ci-
vitatibus hujusce gubernaculum:
scio decurrendum esse immen-
sum quoddam veluti pelagus;
in quo metuendi scopuli sese
offerant, periculosaë syrtes de-
clinandaë. Tamen id ego con-
firmare non dubitem, nemi-
nem ad eos scopulos declinan-
dos, ad eas difficultates supe-
randas paratiorem excogitari
posse: nullum a summis doti-
bus, quæ ad eam rem neces-

E

fariæ sunt instructiorem accessisse, quàm NOALLIUM.

Ac primum quidem ne spectemus jam ea parte Parisiensis Ecclesiæ regimen, quâ splendidum quid ostentat ac magnificum: avertamus oculos ab ea pompa, quam collecta, veluti civitatem in unam, Regni totius nobilitas efficit: omittamus magnas illas majorisque momenti res, quæ si laboris habent plurimum, magnam etiam afferunt moderatori dignitatem.

At cogitemus in hac urbe tam læta, tam florente, tam regia: in illo locupletum ac beatorum hominum numero,

non deesse complures, id quod in conferta multitudine, & tam populosa civitate fieri est necesse, inopes, ærumnosos, rebus omnibus ac præfidiis destitutos: ex quibus etiam, uti & e reliquis Christi Grex coalescit: ad quos æque pertineat cura pastoralis, atque ad eos, qui lætiori fortuna utuntur: quibus, nisi boni Præfulis succurrat humanitas, nihil magis profit inter urbis primariæ cives recenseri, quam in extremo Regni angulo patriam fortitos esse.

Tamen quam proclive est, ut facile perstringunt oculorum aciem, quæ plurimum

Splendoris habent in vulgus;
 ne, qui eo sit constitutus in lo-
 co, Procerum quidem com-
 modis ultro serviat, plebecu-
 læ verò se impendat parcius;
 nobilibus viris ac florentibus
 aditus esse faciles jubeat, mi-
 seros atque inopes submoveri
 patiatur: in tractandis spe-
 ciosis quibusdam negotiis ope-
 ram bene collocatam putet,
 res parvas atque obscuras aut
 dedignetur, aut earum pro-
 vinciam in alios rejiciat. Imo,
 ut erit quisque altissima men-
 te præditus, & suam maximis
 in rebus dexteritatem illustris-
 simam fecerit: ita non levem
 quandoque metum affert, ne

ad infimorum sublevandam
calamitatem ex illo amplitu-
dinis gradu non descendat.

Quàm alienum nacti sumus,
AUDITORES, ab eo institu-
to Præsulem : cui inter cœtera
pastoralis officii munia , pri-
mum hoc , atque instar om-
nium fuit , ut jacentes erige-
ret , mederetur afflictis , egen-
tes sublevaret : qui provin-
ciam ejusmodi implevit ipse
semper per sese : quem nemo
mœrens & infortunatus aut la-
tuit , aut facilem ac beneficium
non sensit.

Ne dubitate, AUDITORES;
tam pium, tam misericordem
NOALLIUM Parisiensis civitas

probabit, quàm propitium ;
 quàm bonum aut Cadurcensis,
 aut Catalaunensis experta est.
 Imo, imo eo magis munificen-
 tiæ ac bonitatis, ut ita dicam,
 finem dilatabit, quo magis
 crescet numerus miserorum,
 & medendi facultas uberior
 suppetet.

Erigite igitur animos, ô
 cives, quoscumque aut cala-
 mitas temporum, aut fortunæ
 afflixit injuriâ; & in amantis-
 simi Præfulis sollicitudine con-
 quiescite. Non despiciet ille
 tenuitatem vestram, aut ami-
 cam laborantibus manum
 porrigere dedignabitur. Pa-
 tebunt faciles aditus venienti-

bus: non erunt captanda vobis mollia fandi tempora, aut redimenda carius clientela potentioris patroni, per quem ad ipsius Præsulis gratiam & beneficia facilius obrepatis. Causam aget vestram multo fortius ac melius vestra ipsorum calamitas, quam vel aperuisse illi tantum, fuerit perorasse. Neque verò timete, ne vobis orantibus: ditiorum authoritas aut favor unquam officiat: Id potius sperate futurum, ut in pari contentione, nobilis a plebeio, dives ab inope superentur.

Alius incumbit in ampla

E iiij

civitate Pastori labor non levis, alius vitandus scopulus: nimirum, ut varios plerumque ac difficiles populorum animos tam feliciter tractare possit; ut, quæ vel ad Dei majus obsequium, vel ad sanctarum legum observationem, vel ad pietatis incrementum apud suos judicari esse necessaria, eadem illis persuadeat.

Hæc porro quantas in Pastore dotes ac virtutes desiderant. Providus ac sagax debet esse; qui gentis pernoscere indolem, præsentire mores, sensus degustare ac veluti subodorari possit. Pru-

dens, qui regere habenas, non
 ad arbitrium, sed vel addu-
 cere, vel remittere pro con-
 ditione rerum ac temporum
 calleat. Facilis ac benignus,
 qui mollire animos parum
 dociles, mitigare asperos, ce-
 dere prudenter impotentibus
 & efferatis etiam aliquando
 noverit. Firmus & constans,
 qui frangi ac mollescere nes-
 ciat, si quando nimia indul-
 gentia plus incommodi quàm
 commodi afferre videatur.
 Peritus denique & exercita-
 tus, qui omnia omnibus at-
 temperare suaviter, modera-
 ri opportunè, perducere feli-
 citer ad optatum finem de-
 beat.

Quàm hoc arduum & opor-
 tosum est! Sed quid in hac
 quoque parte posset, docu-
 menta dedit Noallius certif-
 sima; ex quibus spem futuri
 non dubiam capere possimus.

Quæ sit Vasconum indoles,
 nemo nescit. *Ut semel icto ac-
 cessit fervor capitî*, non ii
 dicuntur esse, quos tractare
 facile possis. Hanc vividam
 illorum indolem, acrem
 igneam, ita pertractavit Præ-
 sul sapientissimus; ut illam
 Religioni, Pietati, virtutibus
 omnibus servire non invitam
 jusserit.

Ut dissimiles contra Vasco-
 num Catalaunenses! Illi a-

cres, fervidi, præcipientes : isti
mites, temperati : lentiores
etiam nonnulli dictitant. Illos
idem Præsul pro sua sapien-
tia ad omne studium pietatis
jam a natura propensos vehe-
mentius accendit.

Quam eidem proclive fu-
turum est regere ac flectere
Parisiensium animos quocum-
que volet; quibus hoc inna-
tum est; ut, & ardorem re-
motiorum populorum, & vi-
cinorum lenitatem suavissimo
vinculo conjungant !

Neque verò non agnoscunt
libenter illi ac reviviscere in
Noallio jam sentiunt pri-
stinum illum disciplinæ mo-

rem, cui sub HARLÆI leniſſima comitate & humanitate facillima ſic aſſueverant; ut ſola benevolentia regerentur, ac Patrem in Præſule, velut amantiſſimi Filii, ex æquo venerarentur & amarent.

At enim quanti eſt, AUDITORES, ſuſcipere adminiſtrationem illius Civitatis, quæ non tam Imperii Gallici caput, quam orbis aliquis integer haberi poſſit: quæ Nobilitatis domicilium, ſedes Majeſtatis, ampliſſimorum num conſeſſus, n^o cè, ita verè n^o cæterarum

Regni totius arbitra sit: quam
 respicere omnes, æmulari,
 longo vel intervallo contin-
 gere, pulchrum atque hono-
 rificum arbitrentur.

Est illud quidem medio-
 cris ingenii vitium, ut ejus
 imbecillitas in editiori loco
 pateat, quæ in depressiori se-
 cura latuisset: neque quid-
 quam pronum est magis;
 quàm ut parvis in rebus qui
 steterant cum laude, eosdem
 in majoribus cadere graviter de-
 ficiant.

Simum Præsulem hu-
 mili secutum præ-
 tium ejusmodi vis
 gravibus in

rebus dexteritas , tot eximiæ
dotes ac virtutes , quarum
præsidio ad summa quæque
munia instructissimus acce-
dit.

Ultimum vererer scopu-
lum , qui meo iudicio longe
gravissimus est ; ad quem ad-
hærescere vel spectatissima
virtus solet. Quis ille tandem,
AUDITORES ? Dicam. Qui
nihil habet , quod a Lutetia
metuat , tam ampla licet
ac numerosa civitate ; nihil
ne tandem putatis esse , quod
metuat ab Aula , quæ vicina
Lutetiæ & cum ea conjuncta
est ? Habet hoc ferme Aula
Principum, AUDITORES ; ut

in ea virtuti obtreſtetur maledicentius : ut ejus ingenium non ita convenire cum Pietate ac Religione prædicetur.

Præſto hunc quoque vobis metum, AUDITORES. Nihil eſt ab ea parte quod formidemus tibi, PRÆSUL ILLUSTRIS-
SIME; & quia Tu talis es, & quia talis Aula modo non eſt, qualem ætas prior vidit. Eſt illa quidem ſagax ad pervidendum, quid ſinceram inter fucatamque virtutem interſit; ſed nihil inte-
deprehendet, in quo ſagacitatem cenſuramque ſuam exerceat. Vix illam tu quidem

nosse possis, propter constantem ac diuturnam per tot annos in tua Diœcesi assiduitatem; sed illa probè te novit, quæ populi vota ac iudicium de te amplissimum suis votis ac studiis antevertit.

Jam, si providisti tam feliciter, PRÆSUL ILLUSTRIS-
SIME, ne quid ab Aulæ censura tibi metueres; nihil est pariter, quod Aulam illam virtuti minus propitiam suspicere. Nam ubi tandem vera germanaque probitas habuit, aut sinceros magis approbatores, aut cultores magis eximios, aut patronos illustriores,

res, aut remuneratores tam magnificos?

Licebit Aulam fidenter ac impune visas; non modo adversantem tibi illam non offendes, sed suffragantem habebis, sed opitulantem, sed incitato ad optima quæque studio inflammata. Ille, ille, quem æmulari, quem sequi ambit unum hæc Aula; ille tam cupidus promovendæ Religionis, non apud suos modo, sed etiam apud gentes externas: quàm ultro veniet cum suo Pastore sollicitudinis ac laboris in partem Princeps Religiosissimus; ut Urbs illa, quæ regni totius ca-

put est, quam fovet præ cæ-
 teris & complectitur, tantum
 reliquas omnes pietate sem-
 per ac Religione, quæ illius
 fuit hætenus gloria, quan-
 tum dignitate antecellat.

Fortunatum te, vel hoc no-
 mine uno Pastorem, NOALLI,
 qui neminem in toto grege,
 quem pascendum habes, aut
 Religionis studiosum magis,
 aut magis amantem ipso Prin-
 cipe nanciscaris! Hoc tanto
 auspice, quid non aggredi,
 quid non adjutore tanto per-
 ficere te posse confidas?

Quid tibi, quæso, veniebat
 in mentem, cum & Regis, &
 populi votis tam enixè repu-

gnares: cum delatum honorem tam cupidè refugeres? Perculit vos, AUDITORES, tam rarum animi de se modestè sentientis exemplum. Ego vero illud non dubitem affirmare: post tot egregia virtutis documenta, quæ hactenus recensuimus; post eximias privatæ ac publicæ vitæ dotes: tot miracula cœlestis sapientiæ, pietatis, fortitudinis; nullum illustrius videri quàm quod, non modo nihil fecit, ut gradum hunc dignitatis obtineret; sed, ne obtineret, nihil etiam non egit: tanto dignior illo fastigio, quanto in illo refugiendo modestior!

Quàm longum tibi, LUDOVICE, ac diuturnum cum ejus pudore certamen fuit : quàm tardè vicisti ! cogendus tibi fuit ; vixque illius modestiam Regis imperium, populi utilitas, nostra omnium vota superarunt.

Sensit hoc profectò Summus ipse Pontifex, qui sapientissimi Principis electionem approbans, vel invitum ac reluctantem ad Parisiensem Ecclesiam traducendum statim judicavit : non aliter agendum cum Noallio ratus, quam vetus Ecclesia cum Gregorio egerat : quem populus viri sanctitate permo-

tus, primum in Sazimorum
 sedem, a Sazimorum sede,
 in Nazianzenam, e Nazian-
 zena demum, Constantino-
 polim, Regiam in Urbem
 votis suis, tanquam humeris
 triumphantem invexit.

Gratulemur igitur nobis;
 AUDITORES, qui nacti su-
 mus ejusmodi Præfulem, quo
 neque optari a nobis, neque
 eligi acceptior potuisset: cu-
 jus & felicibus initiis ita reli-
 quum vitæ cursum responsu-
 rum esse, certis quæ recen-
 sui ominibus meritò confi-
 dimus; ut non modo ante-
 acta Illustrissimi Præfulis vi-
 ta, sed etiam futura singula,

fem in eo deligendo Regis
sapientiam demonstret. Gra-
tulemur & optimo Principi;
cujus delectum tam publica,
tam consentiens omnium ap-
probatio est consecuta.

Fruere enim vero, Regum
sapientissime, fruire publico
illo gaudio; quod non emen-
tita dissimulatio peperit, sed
nuda simplexque veritas ex-
pressit: non adulatio turpis
æmulatur, sed ingenua com-
mendatio declarat: non cu-
pida quædam obsequendi vo-
luntas extorsit, sed sincerum
de tua sapientia, de Præfulis
meritissimi virtute judicium
cumulavit. Excipe plausus il-

los, quibus dignus eligi Noal-
lius; dignus tu, qui Noal-
lium eligeres celebraris. Et
dum felices nos tanto Antisti-
te ultrò profiteamur; liceat fe-
liciores prædicare, qui tanto
Principe gaudeamus.

Tibi verò, PRÆSUL ILLUS-
TRISSIME, patere ut & Prin-
cipem optimum, & subditos
regimini tuo populos vicissim
gratulemur. Nam quis Præ-
fuli contingat unquam opta-
tior illo Principe; qui suam
Religionis studio dignitatem,
gloriam, felicitatem devo-
veat? Qui omnia & belli & pa-
cis consilia uni servire pietati

velit: quem in Victoria nihil æque alliciat, quàm quod armis victricibus, avita firmari sacra sentiat: nihil in hostium obstinata perfidia magis angat, quàm quod eodem aris prius, quàm sibi nefarium bellum videat indixisse.

Jam quos demum inter populos tibi placeas magis, aut magis te ames, quàm inter Parisinos? Est aliqua uspiam civitas quæ cives alat ad omnia virtutis studia sic a natura comparatos? Non ostentabo tibi nobilitatem populi illius, non opes, non magnificentiam, non elegantiam ingenii

ingenii politioris, non doctrinæ vim singularem, non dexteritatem in rebus agendis, non industriam prædicabo. Ast ubi tandem est, aut indolis suavitas major, aut docilitas morum amabilior, aut propensior quædam vividiorque ad omnem pietatis cultum alacritas?


Quid loquar sancta illa Sacerdotum Collegia, in quibus pristinum Ecclesiasticæ disciplinæ studium tam impensè viget? Quid varias Religionum familias, sanctitate, innocentia, Religionis ardore spectatissimas? Quid sollicitos Ecclesiarum Rectores sin-

gularum, qui in fovenda
 promovendaque pietate po-
 pulorum tam constanter ela-
 borant? Quid Illustrissimum
 Canonicorum maxime tuo-
 rum confessum, qui tibi vi-
 ros tot offert nobilitate, sa-
 pientia, eruditione, pietate
 & constanti cum suo Capite
 concordia atque admirabili
 consensione clarissimos? Gra-
 tulare igitur tibi Populum
 tuum, PRÆSUL ILLUSTRIS-
 SIME, dum te sibi universus
 gratulatur populus. Gratula-
 re tibi religiosissimum Prin-
 cipem, dum te religiosissi-
 mo Principi tam impensè gra-
 tulamur.

Tuque præpotens Deus,
 Ecclesiæ tuæ moderator, &
 Regnorum arbiter: cujus sin-
 gulari beneficio & dignum
 Regem Præfule, & Præfu-
 lem Rege dignum adepti
 sumus; fave beneficiis tuis,
 tantisque muneribus adde
 perpetuitatem. Non te hodie
 votorum multitudine onera-
 bimus: unum illud, quo cæ-
 tera continentur, votum om-
 nium est; tanti Principis,
 tanti Præfulis incolumitas.

I D I X I

G ij



APPARATUS

AULÆ

AD HABENDAM

GRATIARUM ACTIONEM

ADORNATÆ.

IN summa Aulæ parte visebatur Tabella, Regem, ad quem pertinebat Gratiarum Actio, repræsentans. Tabellæ isthæc subiciebatur Inscriptio,

DE REGNO ET DE RELIGIONE

BENE MERITÆ STIRPIS

REMUNERATORI

MAGNIFICENTISSIMO.

Quæ voces significabant, Stirpem Noallicam, suo in Religionem & in Regnum studio pro-

meruisse; ut hæreditariam in Ne-
potibus dignissimis, ac Illustrissi-
mo potissimum Præsule, Avorum
virtutem, amplissimis Rex ma-
gnificentissimus beneficiis mune-
raretur.

Geminum ab utroque latere
pendens symbolum rem eandem
exprimebat.

Alterum exhibebat Heliotro-
pium conversum ad solem cum
hac Iberica Epigraphe; MIRO A-
QUIEN ME MIRA; quæ latinis voci-
bus, etsi minus scitè, ita reddi po-
test, RESPICIO, QUI ME RESPICIT.

In altero pingebatur Solarium
radiis solaribus illustratum: cum
hoc lemmate item Iberico; ME
MIRAN, PORQUE ME MIRAS;
quod latinè sensum hunc habet:
ME RESPICIUNT, QUIA ME RESPI-
CIS.

Ex adverso spectabatur Pictura ingens, peristromatis in morem elaborata. Illic eminebat in medio, custos Parisiensis Ecclesiæ cœlestis Genius; quem hinc & inde tutelares Cadurcorum & Catalaunorum, quibus præfuit Illustrissimus Præsul, Genii comitabantur. Designabantur illi propriis urbium illarum scutis, quæ præferebant; unde totidem Heroïcis Symbolis Corpus, ut loquuntur, suppetebat.

Scutum Cadurcorum in area miniata Pontem argenteum exhibebat cum hac vocula. **ILLAC TUTA VIA EST.**

Scutum Catalaunorum, Crucem offerebat argenteam in area cærulea, liliatis quatuor ex auro floribus stipatam. Rem signabat hemistichium. **MEDIA INTER LILIA SPLENDET.**

Scutum Parisiorum Navem præ-

ferebat argenteam in area miniatâ, cui hæc vox addebatur; IBIT SECURA PROCELLÆ. Quæ singula, quid innuant, satis in promptu est; ut per se quisque sine interprete cognoscat.

Hæc inter pendebat e summa cruce pastoralis vexillulum; in quo vota populi totius his concepta oculis legebantur: SIC CRESCERE PERGAT.

Geminas, cum a dextra, tum a sinistra Aulæ facies decorabant Illustriorum ex Noallica stirpe Virorum Imagines; qui tam in Clero, quàm in inter Arma egregiam Religioni, & Patriæ, & nostris Regibus operam navavere.

IN ea quidem parte quæ sub-
leuntibus in Aulam dextra est,
& Oratori obversa, cernebatur in
medio; Imago Illustrissimi Archi-
episcopi, quam sustinebant ac sti-
pabant, tres Aligeri, Provincias
totidem, quas ille rexit, repræsen-
tantes. Il prout erant affecti er-
ga Præsulem amantissimum, ita
& habitu corporis vario, & ad-
jectis quibusdam vocibus loquen-
tes pingebantur.

Qui Cadurcenses exhibebat, de-
jecto vultu collacrymans, suum;
quod ereptus sibi tam citò Pastor
optimus fuisset, dolorem exprime-
bat hoc versu; SI RAPERIS, QUID
TE NOVISSE JUVABAT?

Qui spectabatur pro Catalau-
nensibus; veluti raptum per auras
Præsulem dilectissimum intuere-
tur, non sine admiratione atque
æmulatione aliqua in has voces

exclamabat; QUOTUA TE VIRTUS?

At lætabundus e contra & plaudens sibi, qui Parisienses adumbrabat Genius, utriusque luctum ac desiderium videbatur his verbis velle compescere; ILLUM MAJORA REPOSCUNT.

Appensum hinc atque hinc, tam Paterni, quàm Materni stemmatis scutum gemini symboli materiem ministrabat.

Paternum quidem, quod in scuto miniato Tæniam auream præfert, habebat adjectam hanc vocem; NORMA AUREA RECTI. Alludens ad illam ex auro Regulam, quam ab Apolline delatam olim Atheniensibus fuisse, Poëtæ fabulantur.

Maternum verò quod in scuto coloris ejusdem, Coronidem offert auream miniato Tauro impressam, gerebat istam Epigraphen, VEL PUGNA, VEL ARA. Quæ

Voces innuebant, hanc esse Noalliorum sortem, ut, dum e quinque Fratribus, Illustrissimus Præsul, & cum ipso Abbas meritissimus, in Catalaunorum Sede modò designatus à Rege Fratri successor, totos se ad Aras consecrant Religioni, tres reliqui suum inter Pugnæ studium ac sanguinem Patriæ devoveant.

Tabellam Illustrissimi Præfulis in eadem parte comitabantur Imagines duæ.

In altera visebatur FRANCISCUS NOALLIUS EPISCOPUS AQUENSIS, cujus eximiam in perfungendis Legationibus difficillimis industriam, subjecta Inscriptio designabat.

SPECTATÆ
LEGATIONIBUS IN ARDUIS
DEXTERITATI.

○ In altera cernebatur ÆGIDIUS
 NOALLIUS, Francisci Frater,
 cui in Episcopatu & Legationi-
 bus successit. Ipsius in Religio-
 nem pariter & Regem commu-
 ne cum Fratre studium, supposita
 item Inscriptio declarabat.

FRATERNÆ
 IN STUDIO
 RELIGIONIS AC PRINCIPIS
 CONCORDIÆ

IN ea verò parte, quæ ingre-
 dientibus læva est, pendebant
 quatuor ex longa Heroum serie
 Noalliorum Imagines; qui variis
 temporibus Religionem & Pa-
 triam armis strenuè tutati sunt.

In prima, visebatur HUGO
NOALLIUS, cujus obitam for-
titer in Palestina mortem addita
Inscriptio demonstrabat.

CONSIGNATÆ
IN INFIDELI SOLO
RELIGIONE.

In secunda, referebatur
FRANCISCUS NOALLIUS, fir-
missimum Religionis difficillimis
in temporibus propugnaculum :
quod sequens Inscriptio significa-
bat.

INCONCUSSÆ
GRAVIBUS
RELIGIONIS IN PERICULIS
CONSTANTIÆ.

In tertia, sese offerebat ANNAS
NOALLIUS, Præfulis Illustrissi-
mi Pater; cujus auream inter do-
mesticos Galliæ tumultus Fidem,
istæ pro Inscriptione voces te-
stabantur.

PROBATÆ
REBUS IN DUBIIS
FIDEI.

In quarta, MARESCHALLUS
Dux NOALLIUS pingebatur. Il-
lius multiplices Laureas ac trium-
phos brevissima omnium Inscri-
ptio prædicabat.

LAUREATÆ VIRTUTI.

Plurimi denique Lychni e cristallo tam pensiles quàm columnis hærentes singulis, longo flammæ ordine gratissimâ luce noctem adventantem expellebant,

